



## KOMUNIKADO PA PRENSA

*Fecha*  
13 dec. 2012

*Account Manager*  
Jhanirha Anita

*Email*  
[jhanirha.anita@gobiernu.cw](mailto:jhanirha.anita@gobiernu.cw)

*Nr.*

# Tinchi: Un leyenda bibu ta bai ku penshun!

Willemstad – Sr. Edwin Julian Martines, mihó konosí komo Tinchi, a baha ku penshun despues di a dediká 37 aña di su bida trahando den servisio di Gobièrnu na Domeinbeheer.

Tinchi a atkerí asina hopi konosementu di mapa i tereno di Kòrsou den e último 37 aña ku e ta konsiderá di ta un eksperto òf un ensiklopedia bibu i andando. Tinchi konosé Kòrsou manera su plant'i' man. Tinchi ta un historiadó tambe, paso e por konta historia di terenonan. E por analisá mapanan profundamente, i splikabo tur detaye na plaka chikí.

Tinchi ta un persona noble ku semper ta para kla pa yuda i kompartí su konosementu. Tinchi ta e persona ku den silencio a salbuardiá archivonan ku ta tin informashon balioso, i te ku dia di awe Domein ta hasiendo bon uso di nan.

Na nòmber di Gobièrnu di Kòrsou i henter personal di Domeinbeheer nos kier gradisí Sr. Edwin Julian Martines pa su aporte na desaroyo di Domein.

“Tabata realmente un honor pa por a traha huntu ku bo”, tabata palabranan di Direktor di Domeinbeheer Sr. Jairo Martis.